

二
知
軒
詩
鈔

二知軒詩鈔卷四

定遠方濬頤子箴

古今體詩七十六首

壬寅至
巳酉

寄題孫紹泉太翁安樂園兼懷令子晴軒孝廉

季倫金谷園仲蔚蓬蒿徑豪華與樸素兩者唯其稱處
豐而守約天君澹以定嘯歌茅屋中古人遙訂證歸田
此高尙碩德久傾聽况復美堂構

石舟先生舊
有安樂寓

後先抒

雅興我知入座賓珠璣競持贈先生拈髯笑終日撫泉
磴惜我無眼福未攬茲園勝憶昔曾琴謁威儀瞻整峻
健哉松鶴姿矍鑠猶跨鐙賤子住京洛次公屢通訊猥

以齊年誼折節交不佞共踏輓紅塵相將念初軻同時

大小阮卓犖皆英雋謂翰卿沛農振之諸君科第萃一門才名燕

市振偶然羈驥足伏櫪養神駿歸來奉鳩杖承歡親意

順棣萼生遠思桐枝茂春信樂矣紫芝翁抱道如寒賸

淮南好山色當窗悅華鬢幽居新卜築主人開筆陣開自

題二詩 忝附葭莩末願以卮言進昨歲邗江遊蜀岡躋翠

陴俯瞰舊樓臺化作海中蜃唯有桃花庵常傍湖光瑩

翛然絕塵想數聲林外磬迺知綺羅場俗子皆悻悻何

如山野居適志忘晨暝持此告先生竊謂心相印更祝

凌雲才春風馬蹄趁三年吐劍氣顙脫比鋒刃泥金煥

門楣佳音來轉瞬斯時老靈椿獻壽千觴醕安樂益長
年喬嶽同綿亘

三月十三日渦河舟中作

楊柳青青送客船綠波吹皺暮春天桃花新落淮西浪
芳草遲鳴翼北鞭無璞底須向巖泣有書未忍傍桅眠
挂帆不比輪蹄瘁容我長喙一扣舷

何日攜筇上碧岡荆塗兩戒鬱蒼蒼青雲

樓名

又阻登高

約白水難留贈別章四載重來虛蠟屐孤舟徑過漫迴
檣書生縱有防身劍怕過符離古戰場

浙東連歲困干戈滄海鯨鯢鼓濁波得利何嘗因地險

出奇原不恃兵多遙憐斷堞朝飛燕曾記空江夜聽螺
天意也應清殺運征人計日譜饒歌

去年南北逐風塵今日平阿更問津引鳳街頭添別緒
乳鴉聲裏報殘春要將出處商同調敢爲安閒絆此身
回首雲山鄉思切那堪明月照離人

卽景

欹枕忘行路航吟手自叉樹濃迷遠岸水淺露平沙風
過常聞籟春深未見花蒙莊仙迹近可許証南華

舟次蒙城感賦

燕雲北望何迢迢今我遠遊非逍遙淺水膠舟阻戩楫

泥中曳尾羞見嘲吾鄉漆園吏最古遺經默誦神爲超
樂魚之樂亦已矣濠梁地近笑待招鵬程九萬強欲赴
竊笑那顧鳩舁蜩方今東南用兵旅說劍才短書難拋
詹詹小言不敢吐微名蝸角真無聊兄輪風馬在何許
猶如浮芥堂之坳仙人已往渺難覲停舟徙倚登荒郊
影形相問嗒然喪但見黃月懸林梢歸來蘧蘧忽成夢
宇宙與我同幻泡於戲宇宙與我同幻泡遠遊何必非
逍遙

拍水

拍水鳬鷺飛不定穿雲燕子去仍還沙河水溜銀梭急

舟上魚鷹鎮日閒

十五夜泊

蜎笛無人和悠揚客裏聽
岸高遲上月雲淡不遮星
塵障消空闊詩裏入杳冥
水鄉自清絕散步向烟汀

野望

英英紫楸花纍纍紅桃實
間以青白楊龍蔥艷朝日
澄波環四面蕭然築蓬室
眄彼來牟秀翠穎萬莖茁
農夫卜有秋康樂此無匹
推蓬生感喟遠遊棄衡泌
試看廟廊人何如山野逸

河上沿隄芍藥含葩未放得
三絕句

昨到平山花事寂
今來渦水又春寒
客中渴動將離詠
留向豐臺次第看

玉盃金帶暗評量
婪尾深藏一段香
莫怪園官呼作婢
年年先讓鼠姑妝

商邱村店不寐有懷

鄉路自茲遠
羈人夢不安
荒村三月暮
破屋一燈寒
此日高堂上
應嗟行路難
聯床慰岑寂
共話夜漫漫

時與友蘭

家兄偕行

董家口渡黃河

壬寅先立夏
三日客子喚渡臨
歸河長隄隱隱亘平野

流沙汨汨揚輕波虞城在南單父北中央宛轉如旋螺
豫東潰溢亦已久安瀾昨喜春汛過一人兢業百僚
肅同舟共濟皆協和川祇効順地軸奠榮光遠照崑崙
阿漢廷三策用中上賈讓名言真不磨挽狂有力去淤
塞原泉依舊常盈科憶從荆塗泛孤艇濁流無復侵淮
渦虞舜在上洪水治下民衽席來謳歌蜻蛉一葉徑飛
渡那昇健翮隨風梭洋洋利濟樂如何回首紅日沉煙
柯彭城往者數行役怒濤入耳驚睡魔邇來河伯顯靈
佑清淺幾欲同澤荷願神南遊告海若曷不下令驅蛟

單父郭外

綠野迷離展畫屏
馬蹄得得幾回停
參天迫列千章秀
匝地濃排四面青
沃土人民猶渾穆
近郊樓閣亦瓏玲
驅車靜想前賢化
似有琴聲入耳聽

沛上登太白樓望南池

李杜才名千載傳
詩中之聖酒中仙
一生飄泊風塵內
青山綠水空流連
長安市上不敢眠
草堂未暇營西川
那期先後停芳躅
至今豔說任城邊
我來登樓拜遺像
騎鯨人已升九天
光陰過客恍如昨
誰敵當年賓主賢
俯看臺榭烟霏聚
泥金高榜南池古
丈八溝同皇子陂

勝境留題紛可數吟成五字晚涼天已令名區煥茲土
吾謂二公當年偶然寄歌嘯一樓一池遂有主不然雲
煙過眼卽陳迹安得人人知賀許詩酒英豪何處尋蒼
茫四顧消塵襟龜鳧迢遞排遠岑汶泗繚繞通烟潯山
光水色無古今前賢異代皆知音再來有約會須踐浣
筆泉畔添新吟

汶上遇熙子貞

恬

同年

君赴閩中我入燕萍踪偶聚亦前緣傳家清白心無媿
奉母伶仃孝獨全冰雪有人吟北地烽烟近日阻南天
相逢戀戀苔岑誼馬首分途嬾着鞭

郵亭雜詠

春光倏已去再來偏不逢如何咫尺間蓬山有萬重依
依店門柳無語綰情悰握手分難期從此隔音容翻恨
詩成識拈毫興頗慵

不見霸王墳

舊縣

空餘碑碣在當其泣虞兮英雄氣忽

改癡哉兒女私今古墮情海夢醒聞鄰謳曾中添塊壘
不識綺羅人沈淪何日悔

好花有真色美女有天姿傅粉與調鉛塗抹轉失之世
人每皮相所遇皆東施蘭蕙棄幽芳桃李攀新枝喜濃
而惡淡卽此見時宜

道旁野草花吐秀榛蕪內祇以根質弱雨露恩難逮一朝遇風霜薈薶紛同刈抑知爨下桐良材有時廢榮枯本無定千載皆昧昧

勞勞車馬間動輒生悟顛躓不及防坦途亦窘步天地盡逆旅偷安恆自誤捫腹默沉吟此中有真趣村歌徒聒耳誰是解詩嫗

途中自嘲

不減恆河劫驚沙四野飛一身攬世網隨地蹈塵機豈有騅駟目曾無苜蓿肥劬勞果何益空敝舊緇衣

瀛海

瀛海無波浪蛟龍氣不騰風高難曠雨日午欲調冰
早晚垂甘露相將解鬱蒸有秋應可卜指點麥千塍

任邱道上

絮影漫天淡不收寒風吹面欲披裘車中忘是清和節
烟雨濛濛過鄆州

環隄萬柳綠毵毵百頃風漪皺碧潭燕子穿林飛不斷
新詩爭唱憶江南

風光已餞上池春

上池地名

底事征途踏軟塵羨煞水鄉自

閒逸瓜皮艇上打魚人

那見黃沙埋土壁但看綠水繞村居秧畦芋圃蘆芽港

寫上旗亭畫不如

徑欲臨流泛短橈車鈴厭聽馬蹄驕吟成碧漢層虹裏
人在燕南十二橋

宿雄關

斜日烘雲淡碧蕪芳郊向晚息馳驅波光分得丁沽綠
詩味勻來丙穴腴會謝龍華偏佞佛朝題壁語勢居牛後孰
隣吾不須更憶邯鄲道伴我深宵有燭奴

固安夜行

無定河邊星斗寒韓侯城外路漫漫輕蹄踏水疑平地
遠火流螢不滿灘萬斛塵沙飛未定一聲鈴鐸夢初闌

詞人莫譜春閨怨佳氣蔥蘢策馬看

南郊迷路口號

繡鄧難分路幾又貪看綠蔭漫迴車畿南雨露恩原渥
四月山桃尙著花

車至黃村小住半日歌以寫懷

雷聲閣閣風蕭蕭轅駒伏櫪暗不驕黃雲挾沙白日暗
僕夫偃蹇收鳴鑣南苑東偏煙樹裏酒旗村店聊棲止
離緒空沾十丈塵鄉夢遙懸二千里功名雞肋殊自慙
長途跋涉何耽耽官冷不及毛義檄鼓篋自詡尊丈函
銓曹除授期無定驛路羈遲偏贈蹬臺省諸公應笑我

不識終南多捷徑，媿無赴洛機雲才。一鞭祇合驅驚駘，
輪蹄已厭齊魯趙。躑躅遲上黃金臺，人生遇合渺難料。
聲譽自來非弋釣，不見空山百圍木。棟梁有日登廊廟，
三更不寐心怲怲。旅館夜靜燃孤檠，青燈依舊兒時味。
似比蓮花燭更明，明朝入郭謝塵鞅。高歌慷慨凌朝沆，
莫學村夫擁鼻吟。昂頭遠矚扶搖上。

孫沛農

家澤

同年招寓琉璃廠喜賦句體

勝境那意長句留，興公於我情獨投。出門動有金石契，
繞屋愛看林木幽。不知塵市在何許，試問華堂如此不。
一邱一壑傲俗子，奚必槃澗方優游。

飲酒作

昨向任城遊樓頭逢太白仙人許我醉胸中遂有癖愁
多澆或破那顧酒腸窄東南何沸騰連歲苦兵革烽燭
海門紅血湧江潮碧恨不棄毛錐從軍荷戈戟拚飛奈
無翼遠作長安客唯有一杯酒使我煩襟釋相邀市上
眠萬事盡拋擲

送劉以興

嘉綱

明府之官貴陽卽和自題青雲出

岫圖原韻

秋山雲擁馬蹄輕迢遞雷封快遠征申國已懸金鏡明
會任南召牂柯新挹玉壺清伫看報最登三輔舊許研才壓

兩京經濟文章原一貫絃歌雅化讓君賡

壯遊此去真堪羨白馬崎嶇踏萬峯

貴定有白馬山

剪燭雄談

殊有興銜盃離緒忽縈胸桑乾風雨留行騎粉社音書
滯客踪笑我欲歸歸未得平生意氣服元龍

識韓前度感非輕

去年家居與君甫識面

出岫圖成頌曩征陶令

烟霞空自傲鄴仙骨相本來清書耽左癖才原富名擅

詩豪世莫京座上春風共披拂

子祥舍弟受業于君

巴人曲陋也

須賡

聚散無端太寥落薊門黃葉下千峯殷殷不忘苔岑誼

浩浩全消磊塊胸八月金臺動離思數聲銅鼓壯仙踪

銅鼓亦
山名
他年京洛重相見可許天池賦躍龍

中秋與沛農夜語

舉頭惟見月相對意何親共此高堂夢都成遠別人夜
闌燈是伴地僻樹爲鄰促膝快傾吐陶然忘主賓

用杜少陵醉時歌原韻東邊棣園

莫厭槐廳詔薇省落拓共此一瓊冷莫忘藜藿慕食肉
淡泊依然一簞足君不見國子先生文體尊筆掃隋梁
掩齊宋投閒置散何足嗟兀兀窮年終有用七星之屋
無人嗤龍梭在壁摛心絲孝先聲譽滿京洛風雲顧盼
非難期賤子實傾倒謏揚休見疑苦吟君旣慣豪飲我

欲師無聊且向酒家酌太息芙蓉花已落十年春夢竟
成塵不如歸去守巖壑同學半作登瀛客我獨迴翔依
鳳閣走馬長安去復來草堂霜老舊莓苔畫虎不成殊
怪哉捷足幾隊凌飛埃與君攜手出門去當廬覓取消
寒杯

過近光樓懷單地山師

樓閣渾如昨停車向晚看榻來清秘地悵望楚雲端百
粵烽烟靖重關菽水歡東山應不戀驅馬向長安

獨坐直廬偶成

才拙何能薄冷官頭銜依舊愛清寒宣毫紅硯吾儒業

藥省槐廳一例看屋小披襟慙附熱
詔稀開卷戒偷安明湖如扇荷如蓋
況有詩情繞筆端

閏秋禁中夜直寄襄子祥子健兩弟

時方赴金陵
秋試

槐陰暗長空涼雲凍不流掖垣夜孤宿
晤對罕與儔公餘手一編挑鐙發醉謳
天末有雁行壯哉青溪遊遙知閉戶坐
更闌偕唱酬不踏秦淮月不呼桃葉舟
勵彼囊中錐文戰力自邁迴思舊遊地
倏忽已數秋爲問白門柳長條似昔不
恨無拚飛翼薄宦徒淹留兩年滯京洛
自笑如拙鳩偃蹇讓捷足匏繫殊可羞
依然一冷官長吟鐘鼓樓紫薇春信杳
獨坐垂簾鉤但願共梯雲北上

驅鳴騶風雨快聯床羈人復何求江干詩到時筆陣酣
初收依依兩地心尺素馳庚郵寫罷棣華歌京寓有棣華吟館之
額空階蟲語幽身在鳳池邊神往大江頭今夜夢何處
蒼茫蘆荻洲

題葉潤臣

名禮

鶯湖話別圖

記得相逢已暮春天涯同是別離人

辛丑春季與潤臣遇於山左同行數

日楊花三月遊踪倦蓮葉雙湖畫本新君向吳門尋舊

侶我歸濠水寄吟身枝山風格披圖見

祝子偉畫圖

燈火扁

舟笑語親

雪壓鑾江買櫂遲蓬窗空寫夢遊詩劇憐獨客眠漁浦

且喜同舟傍鳳池
郢曲幾人追絕調
燕雲今日慰相思
何當共踏琴川月
喚取流鶯醉一卮

潘順之

遵和

補之

希甫

兩同年招省中諸君宴集

潤臣詩先成依韻和之

碧翁不釀雪風伯收積陰
驚沙捲地飛開戶塵滿襟
堅冰滑路隅白日疎疎林
消寒做華筵桑落千回斟
賢哉大小宋好客情自深
酒兵拇戰喧那開車馬音
融融沃詩腸寒色何能侵
頌君陽春曲悠然契苔岑

和潤臣夜赴西苑詩

踏月天街上焉知玉漏闌
孫梁本才士屈宋尙衙官
林

外魚更靜風前馬足寒鳴珂渾不覺五字想吟安

詠李子皆

咸泰

齋中文殊蘭卽步劉寬夫侍御原

韻

幽芬末利同雪色闇提似賽蘭匹伊蘭可補佛經字一

花一世界天雨飄然至芳草共茲名通雅勗新議要如

須曼那亦云菩攝意况君學文殊默體精進義空谷自

流馨豈肯爲世媚美人寄禪悅玉魴嬌無二

子皆新納
雛姬置酒

招飲妙色現如來侍女花能致舉觴大歡喜願共劉伶醉

深閨解語花國香敢輕視

子皆札云座中無解語之花故以此調之

蘭芽明

歲茁摩頂不須避

乙巳九月十五日乙未諸同人公宴於極樂寺

卓海帆相國師賦詩一首敬步元韻

共仰夔龍啟沃忙，委蛇時訪鷺鷥鄉。
英才日下收吳會，碩輔朝端倚華陽。
退食此間容灑落，健遊隨地覺舒長。
紗籠永護招提境，詩律精嚴繼草堂。

高粱橋畔馬蹄忙，出郭幽栖愛佛鄉。
霞幄逢春疑蜀地，

寺中海

星輶自昔迓池陽。

乙未九月拜謁於池陽途次

十年杖履追

隨久四座簪裾嘯詠長，綸閣公餘饒逸興。
願留軒蓋

駐禪堂

編籬築屋爲花忙，半界山鄉半水鄉。
紅葉出林標冷訊，

白雲鋪徑澹斜陽
旃檀香度塵機息
蔬筍筵開野趣長
最是垂垂一株柳
憑誰寫入翠微堂

非才敢說和詩忙

翻用東坡句

勝會流連到葦鄉

翌日復與辛丑諸同

人侍宴於龍樹寺蒹葭移

已向梁園穿曲徑

是日兼遊可園

更期蕭寺踏春

陽煙霞契結吟逾壯
珠玉揮成韻自長
應惜汪倫遲返

棹茲遊原不讓山堂

汪蘭卿乞假歸邗上未與斯會

贈潘子慎

慎生

茂才卽步登黑窰
厥感衷四律元

韻

萬斛詞源水下灘
鴻才揮灑去叢殘
苦吟閉戶鋒能斂
高唱摩空笛未乾
京口煙波懸客夢
薊門霜月向人寒

壯衰豈學投時技一任風塵白眼看

獨秀峯前擲筆來凌雲奇氣自鬼鬼短衣顧盼真無匹
長劍摩挲又幾回鵝鷺班聯慙我附驂騑道路願君開
少陵當日稱詩史漫數衙官屈宋才

躊躇滿志善刀藏相士何人敵九方交誼出羣師李郭
文章不朽傲彭殤寒潮疎柳添嗚咽紅板青溪泛淼茫
京洛底須秋興動盛名終達五雲鄉

詩人餘事更風流譜出紅牙月半鉤折柬多情逢白石
剪燈無語按涼州俠腸契合管城子豪氣消磨卽墨侯
自是詞家射雕手陽春歌詠足千秋

和子慎金陵曲原韻

春雨黯江關，嬋娟不忍還。
願隨雙燕子，飛上鳳臺山。
粉漲白門潮，香零紅板橋。
封姨何太妬，花片落蕭蕭。
開門見綠陰，妝閣怕登臨。
欲寄文無草，相思一寸心。
雙袖擁熏爐，香雲罨四隅。
曉來慵不得，拈綫繡麻姑。
湖上餞春歸，花枝酒力微。
鴛鴦驚麗影，猶自傍人飛。
送別笛聲淒，金鶯故故啼。
柳條攀不盡，綠過灞橋西。
稍向空階立，風來鬢影斜。
含情向誰訴，多種合驢花。

題子慎徵息齋詞藁

烏絲錦字寫纏綿，腸斷秦淮載酒船。
無限相思無限恨，

教儂惆悵十年前

長干雨滑步遲遲孤負柔情萬縷絲記得銷魂無一語
蝦鬚簾外倚闌時

是真是幻不分明譜到離愁劇有情軟水溫山何處覓
年時怕聽杜鵑聲

騎省秋來感興多食邊紅雪艷如何桃花不斷春消息
願補南朝子夜歌

今宵又見月當頭展卷淒涼憶舊遊萬頃銀濤身似雁
夜闌飛夢上扁舟

蘇辛才調費陶融人到幽燕氣亦雄衰草粘天風捲地

不須更唱柳郎中

杜繼園

翰

筠巢

翻

雨同年邀同何子愚俞麟士遊

十刹海觀荷醉後至滙通祠華祖廟小憩卽景

放歌

長安六月天不雨
輒紅到處生炎歎
城中勝境獨清曠
芰荷香裏風蕭蕭
忽從埃壒拓此界
明湖一片景廓寥
蓬萊雲樹近咫尺
披襟暑氣因之消
二三知己畧形迹
酒家沽飲欣見招
湛園勺園香難覓
遊蹤徑度李廣橋
登樓憑眺大自在
鼻觀徐嗅神爲超
愛花那顧酒腸窄
舉杯先向塊壘澆
羨君昆仲真大雅
樸誠外露非琢彫

出羣更數何季子品格足儷英瓊瑤

沈郎近改名瑤

翩翩五馬

亦駿爽過從不厭夕與朝諸公許我附壇坫車笠奚至
忘久要狂呼豪飲去俗態至樂未必殊簞瓢酒酣遊興
不可遏淨業湖畔揚輕鏹快躋石磴發長嘯采蓮徑欲
尋吳舸沿隄南望最高處琳宮結構何嵒嶢閭黎侈口
說冠蓋酒人放膽窺雲霄一今一古判華樸濠梁且自
圖逍遙似聞西山乍騰笑九衢蹴踏驕驕翠微有約
幾時踐流連無計眠僧寮江鄉小別已六載夢中往往
思乘潮祇令湖海屬虛願况復換酒無金貂頻年車馬
絆塵鞅茲遊恍若鳴雙橈歸來風雨助詩興夜闌起草

鐙自挑階前松影暗疎翠明月爛向青天邀

前詩旣成意有未盡復得一律

朱華的礫耀晴灘卽飲當風共倚闌眼底頓成花世界
醉中偏湧舌波瀾空潭秀色詩囊貯香剎幽居畫本看
乘興忽吟松雪句餘杭溪上足盤桓

寄題俞麟士

文詔江亭話別圖

綠慳未踏中秋月

中秋約遊江亭
余有事未赴

離緒空縈話別圖寄

語漢嘉賢太守凌雲載酒傲髯蘇

小聚春明已六年羨君先著祖生鞭寒蘆一霎風吹雨
獨上江亭思渺然

掃地焚香有蜀僧那知面壁證三乘峨眉綠綺今何在
寂寞禪關五夜燈
計程應已到家山萬朵芙蓉豁醉顏笑我空餘黃海夢
何時蠟屐翠微間



二知軒詩鈔卷五

定遠方濬頤子箴

古今體詩一百六十九首

庚戌至咸豐辛亥

己酉秋奉諱出都至庚戌三月出遊自皖江達金陵而吳中而武林而章江辛亥孟春始度庾嶺共得南游草三卷計五百餘首經番禺張南山年丈點定並賜佳什系以跋語是年七月十一日歸過曲江暴風覆舟盡付東流僅存大觀亭至舟泊嘉禾詩一卷其餘諸作不復記憶而吟興頓衰矣壬子癸丑甲寅家居三載疊遭患難筆墨幾廢乙卯

春重入都門終歲饑驅所作亦復寥寥庚申秋重
至曲江十月初六日章仁甫茂才振祐由長沙返
羊城攜此卷見還係曩所借鈔者又多得詩百餘
首因刪爲一卷存之以誌遊迹云

長安車馬行

長安車馬何絡繹九衢蹴踏無行迹汗血飛揚十丈塵
喧闐那復論朝夕花底驚回子夏冠隄邊隔斷阮孚屐
道旁借問執鞭者云是朝端青瑣客郭門西去宣南坊
公餘遣興歌舞場銀燭千枝鵷鷺影紅牙一曲綺羅香
鮮車怒馬獨後至冠蓋峩峩粉署郎共樂昇平閒歲月

不知道路幾風霜清遊更結神仙侶詩酒流連無定所

鼠姑香引棗花幽

棗花寺卽崇效寺
春時牡丹最盛

龍爪名題槐樹古

南有陶然

亭名

北滙通

祠名

蘆荻蕭蕭菡萏紅興來尺五莊

前過池館頤園點綴工春秋攬勝真無暇泥飲壺觴同

蘊藉疊山祠字椒山居酒國新向招提借畫出仇英士

女圖半列簪裾半蘭麝是時滄海鯨波起羽書馳度桑

乾水雕鞍不見飛將軍驄馬偶逢真御史迴看逐隊賞

花人依舊天街碾畫輪綠螳澆愁珠作米青蛾買笑桂

成薪吁嗟乎豪家一飯中人產鐘鼎聲華紛過眼試問

烏犍汗下時茅蒲俯仰情何限傷心莫問酒家壚散盡

黃金欲化蚨昔日聯鑣推上客今朝障面避窮途舊交
俄頃已白骨局促且隨轅下駒可憐僕僕風塵內能似
長安車馬無

友人招飲大觀亭

九里城西石磴懸臨風搔首問青天山頭埋骨余行省
江上招魂李謫仙才子忠臣同不死功名氣數兩無權
憑欄不盡升沉感直湧愁心到酒邊

借宿大觀亭畔鏡舫作

小舟苦熱夜不眠手執蒲葵躬曲卷黑甜鄉遠竟難至
招涼且上崔嵬巔持燈襍被俗人詫闔黎雅意相周旋

綠陰沉沉星火暗軒窗洞開神怡然清涼世界眼前到

昂頭快讀飛龍篇

程蘅衫所書

纔聞珠點觸瑤砌俄看燭影

銷青煙四大皆空語非妄解衣高臥參睡禪更闌一霎
有秋意蚊帳宕漾心旌懸破空霹靂驚絲叫金蛇亂向
虛堂穿雨師風伯下閭闔千乘萬騎鳴九天江干噴薄
怒濤吼樹杪直瀉疑飛泉此時欲睡不得睡閉目冥想
殊安便忠臣靈爽山鬼避書生下榻洵有緣砰訇滂湃
壯詩膽枯腸搜索塵慮蠲擁衾忽如僧入定清夢直落
長淮邊曉來雲氣壓睂白披襟獨聳山字肩回舟伸紙
寫胸臆狂吟無事窮雕鐫

冒雨訪蘅衫留酌於寄傲軒

萬綠淨如洗簾櫳生晝寒小別已逾旬相見心彌歡盆
荷花欲放盧橘味不酸巢鶯恰恰啼遙度青琅玕扶疎
罍殘滴茗話久盤桓殷勤具鮭菜小酌羅杯盤四簋不
必備三俎精可餐卽此傲華筵不覺酒腸寬匆匆又言
別愼哉行路難門外梧桐枝淚雨向客彈

江中望山歌

我聞桐陽浮山山若浮上有三十六巖七十二峯爭奇
競秀環以滾滾之江流又聞池山亦峭絕蓮花九朵清
且幽去江百餘里名勝傳六州東南士女胥來遊攀蘿

捫葛無春秋何圖今日拓眼界皖江山色歷歷都向蓬
窗收大龍小龍尙培塿千巖萬壑平地凸起儼如水上
漚斯時碧空掃纖翳嵐光淨極雲不留宛將一幅蔚藍
作畫本四圍潑墨純以淡筆鈎布帆無恙恣憑眺左顧
右盼凝雙眸奈何可望不可卽四體局促乃在江上舟
當年謫仙人酒酣踏屐不肯休桃花苦竹足跡徧奇氣
橫逸誰與儔我今展卷輒低首此行先訪太白樓友麋
鹿兮盟鷺鷥凌風徑到東海頭去時著單衫歸來披羊
裘一年三百六十日登山臨水興至揚清謳管城子銷
吾愁萬石君解吾憂江天曠覽動豪想高歌那顧驚潛

蚪

楊梯霞

繡榮

表兄招宿寓齋梯霞與山陰沈慕霞

字仙巖

皆新納姬人賃屋同居

婀娜花枝照眼新
合驩種出兩家春
三心五噉都相傍
東鰈西鸚巧作鄰
螺黛妬他雙管艷
烏皮憐我一燈親
剪蔬烹茗情無限
孤客翻成不速人

無題

浮生最是別離多
陳迹紛然眼底過
十載鶯花雄債帥
一春詩酒斷情魔
天邊有雨雲先散
江上無風水亦波
彈指光陰渾似夢
滿腔幽恨訴顰婆

偶成

濛濛淺黛天邊印簇簇新蘆水面齊禽鳥也如人意爽
銅陵江上一鳩啼

五月江風夏似秋飄然涼意入虛舟篷窗消受清閒福
幾日乘潮到石頭

秋浦小住胡竹亭婁小莊黃秋農皆各招飲情意

殷然別後感賦

諸君屈丞尉周旋慕風雅謂我異俗流招邀醉尊竿雖
乏郇厨珍娛賓亦聊且來其味至腴蘇芼香菜把花豬
肥可嚼鱖魚鮮不鮮酬酢屏儀節脫畧學山野小作搏

沙聚戀戀忘燈地重以崔盧親

謂梯霞

胸臆快傾瀉三宿

信有緣一別殊難捨會看偕展驥早晚膺民社勉爲賢

宰官豈在林趙下

林楠趙方

我非徒餽啜眞誠無所假交遊

薄形勢契合此心寫題詩誌相思媿彼趨炎者

夜泊荻港枕上作歌

江頭畫角聲嗚嗚黑雲亂飛天糝糊尖風入牕蠟淚枯
童僕酣眠形影孤中宵不寐起長吁隨波逐流胡爲乎
南遊不敢過小姑巨浸愁絕鄱陽湖迴帆楚尾徑入吳
頻年燕市車馬驅那期又作煙波徒扁舟貼水伴雁鳬
中央折搶避盤盂倏東倏西左右趨四體簸揚心輓轡

此身飄泊五石瓠浪花湧起雪片麤膽悸臥床足不跌
舟子搖手戒勿呼波濤雖險猶坦途翦江捩柁如奔蹕
石尤難與人齟齬凌晨解纜至日晡百四十里忽已逾
荻港青山列畫圖斜陽照冷洲邊蘆江鄉暑氣渾欲無
枕上作歌自唱于夢醒猶記撚吟鬚

舟次蕪湖

塔影橫江泛艇過詞人應唱定風波巉磯穴閉千檣集
鳩港潮平匹練拖野草碧浮沙岸闊夕陽紅到赭山多
明朝更擬支筇訪滴翠軒中景若何

端陽

離家六十日倏忽至端陽有艾難懸戶無蒲可泛觴龍
標江上炫鵲舌塔尖忙遙憶鄉園裏團圓聚北堂
佳節長安道勞勞車馬間竭來仍作客孤艇此身閒不
智將奚益思歸未許還波光原似鏡生恐照愁顏

鳩茲泛舟書所見

出門纔逢三月三江行又到五月五鳩茲習俗好水嬉
岸頭觀者乃如堵露體跣足划瓜皮白板不作鱗之而
神龍約畧具首尾鼓聲冬冬鳧車馳迎風噴浪急如箭
祇令兒童博歡怵嗚呼世間萬事類如斯千聞原不如
一見

遊人盪槳去復來我舟欲返仍遲徊忽聞歌聲出水面
江城吹落五月梅梅花笛配紅牙拍甫調絲竹又金石
樓臺度曲果何人云是此間關吏宅江湖鎖鑰權在官
官苟無吏盤詰難侵漁坐致厚資擁優游方幸法網寬
日日笙歌繞畫欄

兩人對面肩一竿一人盤旋竿之上忽上忽下買神勇
骨軀身輕膽尤放初疑升木猿繼若挂樹蛇最後數人
此牽而彼挽兔起鶻落相交加吾知其巧直與繩伎等
履險如夷江上艇具茲筋力奈何廢耕作天下游民夢
夢喚不醒

人患不自知其醜傅粉調脂半嫖母若非舉手弄銀笙
反疑錯認章台柳買笑何殊乞食兒朝雲暮雨鬢欲絲
江心有鏡莫輕過須防照出真妍媸我以為媸人謂妍
情之所鍾信必堅君不見滿山桃李遊人賞埋沒幽蘭
榛莽邊

江中望山後歌

鳩江東去二十里水面倒插青芙蓉畫家渲染所不到
稜稜纖草鋪蒙茸山頂孤亭卓然立山坳古剎圍蔥蘢
後山迤左有蘭若長蒿似竹門徑封岡巒起伏若相顧
低處縈帶三兩峯再行廿里更奇闢巉巖對峙洪濤春

一如猛虎昂頭欲伸爪建寺足以摧其兇一如獅子踞蓮座拳毛帖耳石骨瘦不壅東山太狎猛巨浪愁相衝西山復黝然當春無笑容其餘螺黛並蒼古長江關鍵無非靈秀之所鍾四十里內一覽豈能盡頗思捨舟登岸賈勇支短筇中流風利不得泊篷窗空有遊興濃試卽諸山一一辨誰某頓令磊塊消吾胸四合地昇七磯近牛渚以外晝夜何洶洶天門博望今昔忽殊狀蛾眉當日曾駐仙人蹤未知卻月之城尙在否時平寰海無煙烽川后效靈百邪遁底用犀照驚蟠龍嗚呼宣城太白去今數千載江山勝地我來直等萍水相遭逢依依

但見雲際樹渺渺不聞林外鐘古人可作吾能從江上
漁翁應笑儂

風利舟駛徑入和州江口不得至采石登太白樓
復成五古一首

夙慕采石遊恨不生其時一從渡皖江念念輒在茲凌
晨甫解纜復告舟子知那意緣分慳咫尺仍失之怒颺
挾舟去片帆江上馳猶之馬泛駕羈勒何所施有柁不
及捩有篙不許持直赴十八河豈假人力爲山靈暗騰
笑竟受飛廉欺不登東西梁鬱鬱已難支轉眼失翠螺
自媿還自疑疑我方素衣身無錦袍披對茲好江山恐

使心骨悲愧我才力薄反謂捉月癡登樓眩珠玉必至
不能詩我更進一解不卽亦不離超然無望礙可以禪
理推此時樓中座平淡轉無奇景從對面看局外愈耐
思欲訂再來約推蓬且支頤遙睇嶺頭松萬點綠如薺
仙人渺何往極目雲天涯

舟至白下

不到秦淮十二年挂帆喜趁熟梅天三山都向篷窗過
風送鳩江下水船

水蓼新開淺淡花青蘆萬葉捲晴沙江東橋畔無多路
繫榜城西日已斜

丁字簾西水閣荒斷雲零雨恨茫茫要知一片笙歌地
舊是南朝瓦礫場

中山賜第委蒿萊閒與闍黎話劫灰寓慧園菴猶憶莫愁湖

上客故人宿草至今哀辛卯秋試王丈竹嶼招飲湖上竹翁已久歸道山矣

楊安卿文定方伯招同何亦民俊觀察飲於瞻園

樓臺高處擁晴霞退食名園早散衙君作寓公能擇里

亦民卜居船廠巷胡小東太守故居也我爲遊客慣離家不須月下成三

影共向壺中見九華園中山石玲瓏憶否長安沽酒日天街歸

去帽簷斜

雨中偕家衣江兄由妙香菴至隨園

方外善結客，勑此好亭榭。冠蓋紛布施，壺觴樂休暇。
惜我寓城南，未許一椽借。柳絲重不颺，雲影白無罅。去去
倉山中，籃輿肩莫卸。到門鳳尾環，穿徑虎皮砑。盤旋達
上，乘顧盼，氣凌跨。身在水晶域，清涼不知夏。才人返蓉
城，風雅久淪謝。富貴地行仙，誰歟堪匹亞。凭闌發遐思，
雷車半空下。四山倏幽暗，萬木助喑咤。俯看池上波，顥
顥雨珠瀉。相賞勝茅屋，趺坐此精舍。烟霞吐胸臆，遂覺
俗塵化。茗話少淹留，清遊殊蘊藉。歸途屢回首，豪興何
能罷。會須約酒兵，共醉花月夜。逃禪臥糟邱，逆旅天地
假。

汪龍溪虎溪昆仲招集隨園散後遊湯雨生都督

獅子窟

猶記垂髫日師門荷賞音卽今皆老大相對感升沉
白下長流寓閒中事苦吟弟兄都好客邂逅許題襟

泥湓不須媿名園喜再遊泉聲千樹雨涼意四山秋

菜味殊俗簾櫳心自幽陶然對紅雪

宴于嶠山紅雪

一醉解羈

愁

將軍今老矣解組臥滄江儒雅兼三絕才名無等雙

言耽野趣聊復拓軒窗咫尺招邀便披襟近佛幢

萬綠陰陰裏溪流直到門池蓮香自在竹樹靜無喧分

得龍蟠勝渾忘虎帳尊從今傳不朽應匹謝公墩

登燕子磯偕焦海峯同年晚眺歸飲海峯舟中

太白騎鯨天上去更無人醉落星岡嵌空石壁鍊秋色
照水火雲蒸夕陽放眼江山容嘯傲寄懷詩酒足清狂
茫茫不盡登臨感相對西風負一觴

遊金山寺用東坡韻

生平夢想遊羅浮挂帆直欲到南海邇來放棹秣陵秋
已覺中流大自在橫空湧出青陂陀壓倒揚子江心波
崔嵬勢與北固抗石磴繚繞千盤多散步山椒暫停楫
留帶遺蹤如昔日拾級浮圖第五層四顧逡巡汗顏赤

作歌自媿無才魄目炫經幢迷白黑俯瞰潭影何空明
風濤利涉心不驚閒中結得善知識冠蓋登臨終俗物
培塿銀山與蒜山振我詩骨堅且頑從此豪情不能已
嶺嶠烟霞通一水

登焦山

我年十一渡京口瞻悸未敢焦山遊靈區結想廿餘載
今朝放眼凌高秋江心一峯卓然立蒼鱗四面蟠蛟蚪
松寥爽氣撲眉宇祗園初地清且幽三詔坊邊淨如練
當年高臥堪枕流隱士孤蹤已無匹忠臣遺墨誰與儔
觀揚忠愍公
手卷二軸 牛腰大卷永藏弄名山萬古生氣留斯人

並與鼎彝重

定慧寺藏周鼎漢磁及諸葛銅鼓

海西

菴名

仰止

軒名

心悠悠

迴旋石徑度林杪嵐氣直接天盡頭蒼崖洞開觀自在
夕陽明滅山畔樓甘蕉出牆侶松檜拏空萬樹紛曲樛
欲登不登輒止步絕頂陰翳猿鳥愁且留餘地後遊續
他日拄杖窮雙眸長廊薜碣汗雨下打窗忽起風颭颭
漫空雲氣敗遊興躑躅言返江上舟

水晶菴僧留飲歸舟大雨仍回曉清堂夜半雨止

渡江用東坡自金山放船至焦山韻

無詩無酒何所耽笑呼衲子休和南持杯輒復動吟興
僮僕催歸已再三金蛇一道電光起下筆頗阻食葉蠶

倉黃登舟雨隨至行止莫決殊自慙回頭是岸易易耳
慎勿賈勇蛟龍潭萬蟬聲裏雜秋籟松梢噴薄天漿酣
有緣重近水晶域煮茗拚作竟夕談那期雨止客不止
振衣戀戀彌陀龕瘞鶴殘碑惜未讀出門搔首心豈甘
客中苦爲塵俗累老去或許林泉貪巖阿高躡動欣慕
局促轅下吾何堪殘雲西沉片帆駛明月已上焦隱菴

同莊衛生

受祺

前輩散步過趙氏約園

城市無人識園林別有天繞欄青皺透穿徑碧澗沿水
石詩中畫樓臺地上仙怪他偏作客頻泛廣陵船

謂園主人

環翠樓晚眺

黃阜墩邊水不波
九龍山色入窗多
青簾白舫人歸去
醉倒花枝金叵羅

吳園

卽拙政園故址

山茶歌後闌蒿菜花木平泉
手自栽魚鳥多情戀池館
滄桑小劫換樓臺茫茫秋水
蒹葭在拂拂春風蛺蝶來

春月開園
遊人甚多

如此園亭清福占登臨端讓謫仙才

李小磨
吉士時

寓園
中

虎邱燈船竹枝詞

七里山塘一水通
畫船羅綺妬秋風
琉璃窗內爭回首
扶上花枝夕照紅

山景園邊柔櫓搖野芳
浜外緩停橈繁星萬點齊
齊挂笑倚郎肩看打招

碧玉年華實可兒天然
斌媚薄調脂心如斟酌
橋邊水深淺由人總合宜

燭奴光射貌娉娉滉漾
隨風儼聚螢照得碧波同
白晝更無人上可中亭

簇錦團花坐綺筵水晶宮
裏貯嬋娟暗中倍覺分明甚
憶否秦淮七板船

水窗飛過管絃聲一任旁人
論濁清儂已倦遊歸去也
譙樓不到月三更

銷夏灣頭似此無載將桃李艷荻蘆水鄉占斷風流景
底用尋春向女湖

吳中詠古

虎邱何業爰鶴市何喧闐自有館娃宮越遂沼吳焉西
施實禍胎陶朱去不旋至今錦帆涇歌聲聞采蓮香水
水空流浣花花不妍巍然泰伯祠千載歆豆籩

支硎高人栖鄧尉將軍里穹窿駐仙蹤楞伽去天咫前
有辟疆園子敬曾過此後有石湖居郭外樓臺起就中
惟獅林玲瓏莫能比過客日日遊苔痕沒屐齒我今未
一到淹留在城市殊覺俗難醫羞見孝隱士

吳中豪右多不識褚季野造次便投契乃出賀張下落金閨亭調古知音寡暮登千人石獨立自瀟灑身無白傅裘胸有杜陵屢劍池水澄澈若爲愁腸瀉

南園作醉鄉斯世無其人寂寞桃花庵惆悵不逢春吳趨習媮薄矯飾非本真冠裳形勢交誰爲肺腑親冷落客壺觴錙銖皆可珍一朝駕車馬馳逐天街塵把臂便相識塗抹甘效顰滔滔者皆是風俗奚由淳竭蹶議催科守令但患貧

寒碧山莊歌

嗚呼錢王金谷不可見顧氏玉山在何許姑蘇城外好

樓臺一灣寒碧琉璃貯長廊曲檻何玲瓏丹梯翠磴高
下通無邊水木助明瑟風來黃雪飛濛濛前有華堂後
綺榭中央碧沼虹腰跨高軒邃閣左右聯松陰竹影迷
蘭麝工輪當日費經營遂令人巧如天成東偏精舍尙
未到卽此已足怡我情主人爲誰卯金子第九洞天臣
故里歸舟載得鬱林石移家喜傍琴川水昨逢李侯向
我言謂香雪同年山莊勝境今南園美人新作霓裳會絃管
聲中醉蜨魂那知秋色同春艷招邀花陣風流占樂事
渾忘鶴語寒哀音只覺鴻聲厭絲竹自詡東山遊過客
傷心猿鳥愁何如布韞青鞵侶雅稱煙霞景物幽我爲

山莊屢惆悵聚錦園香惱閒曠開徑園丁阿堵貪嬉春
公子遨頭暢袖手沉吟夕照邊生憎金粉膩林泉長官
若過長安道

謂倪次郊大令

爲訪桑麻杜曲田

秋懷詩用昌黎韻

鴻鈞播膏澤百卉紛薿薿勾萌畢以暢生機烏可已金
天振嚴威颼颼聲到耳騷屑感鳴蟲都因不平起苑枯
判須與今昔無一似百年瞬息間榮華奚足恃暑往而
寒來運行原順軌大造化成心吾生半憂喜

冠蓋集要津江湖獨憔悴搖落且勿悲堅貞葆初地趨
炎附熱徒才力殊橫恣一朝頓摧折蕭艾復何異不見

隱居人淡然薄富貴

茅屋風淒淒卓立戒柔曼夕擁敗絮衾晨餐脫粟飯琴
書聊自怡簪組非吾願憂道不憂貧古訓足規勸隕獲
此心疚公庭曾舞萬清節乃爲秋抱璞莫輕獻勉樹上
達基天心泯尤怨

宇宙互亭毒萬物動相凌巨者蛇吞象細者虎逐蠅傾
軋萌殺機異己每見憎須知舌上鋒利於刀劍稜秋江
試憑眺遊魚巧脫罾寒蟬遇螳螂歛翼何所能

繫予痛孤露晨昏鮮提警浪遊春徂秋不眠更漏永欲
學聞雞逃還思捫蝨猛風濤世上多挹注虞短綆明月

鑒我懷浮名實微幸澄之使空洞方寸萬慮屏

勾吳地溫燠秋樹茂深景爽氣下寥空閭闔高岡蕪
蘆味正甘聊復寄萍梗心薄逢迎態赳赳靡所騁何如
返田舍閉戶絕祈請

秋風颯然至濃雲壓壓檻暗蛟龍忽肆虐淫潦天公憾兀

坐釀羈愁庭院不敢瞰廣寒宮迥閉夜市遊興淡聯床

話未休

謂子健三弟

真率豈煩濫再來不可期此會又苦暫

昨泛青溪舟今繫胥江纜冷煖本常情何必苦推勘饑
驅飽世味豚膾儲三斛甌

昆季少小時講學共開軒羨爾縱筆陣有如萬馬奔青

衿老秋風時命真難言兩度入京華偃蹇胡不前猶記
分手日哽咽廢朝餐從今學折腰高閣東陳編南北久
睽違迢遙路三千聚首出意外痛定心彌酸濡毫觸哀
感藻綺謝芊眠努力展驥足勿負此壯年

玉宇界羅紋濕痕拖未乾林梢天乳綴的礫疑明玕四
山雲錦麗萬葉露珠圓秋光甫澄霽稍覺吟魂安鄉國
去逾遠孤棹漾晴瀾廉殊蛭食壤智遜蜣轉九屈指再
逢秋督亢驅征鞍

半園桂正開中有讀書聲兒女夜團圓羈人夢分明吾
母望眼穿吾弟友愛誠每接一紙書含悲雙淚盈悶來

引詩魔愁多避酒兵無心賞秋花歸期待春榮鬱結向誰訴持以告脊令

西泠計日至風景湖上好蘇堤柳未殘孤山梅尙早鷗鷺共逍遙曠達善自保清華滿天地胡爲愛枯槁委靡隨運會誰語君子道

子健

儕泰

弟送至吳江舟中夜話感賦

鵲步橋水迢迢鱸鄉亭風泠泠昔年兄送弟車聲輾轉淚如洗今日弟送兄鵬聲伊軋難爲情金閶小住已一月囊橐蕭然餘傲骨天倫聚首客愁解底事萍踪太飄忽闔閭城外駕扁舟松陵驛裏片帆收垂虹秋色無人

賞夜柝敲闌話未休爾爲忼軍官不俗莫忘書生舊面
目我作遊子心自傷可憐世態真炎涼爾我今宵別蓬
窗雨淒切中年兄弟倍多情薄宦共嗟生計拙五更解
纜莫遲迴阿連返棹姑胥臺懊儂獨向鴛湖去一片離
心撥不開

漫興

秋桑兩岸綠蕭蕭百里禾中路不遙何日抽身脫塵鞅
五湖烟水一詩瓢

舟泊嘉禾作歌

我不遊范蠡湖湖上妝臺今已無又不登劉伶墓墓邊

二知車言金 卷三
榛棘穿芒屨美人狂士安在哉今古茫茫土一坏只有
梅花香不死冰魂和月臥蒼苔清秋放擢檣李城但見
胥山蒼蒼長水粼粼我生千載後弔古心怆怆河干躑
躑憐漂梗身寄波濤家舴艋不是鴛鴦莫浪飛淒涼煙
雨樓中景

遊淨慈寺感賦

湖山五路青渲染成秋光卓哉慧日峯首開選佛場
峩峩圓照樓瑩瑩宗鏡堂祇洹震旦區淨土小滄桑興廢
閱數代天賜曾名莊兒時記一遊過隙駒何忙忽忽廿
五載重來煙水鄉竹樹密交蔭蒲牢清上方所惜大悲

壇剝蝕經風霜頽垣與斷礎零落旃檀香鎚流三百眾
半去謀稻梁僧存退院心謂方丈六舟對之神爲傷一兩歲
轉歎捍海愁無塘頻年痛流離或者議發棠慈悲應有
靈我欲叩空王

六舟方丈贈新拓米南宮書酬之以詩

讓山以後論風雅

讓山僧名

今日南屏有替人獨爲襄陽傳

妙婉又從方外乞閒身打包風雨平生事落紙雲烟未

了因畢竟禪門通慧業東洲近作遠公鄰

何子貞前輩自號東洲居

士今夏寓寺後山舫

吳山晚眺

立馬雄風鬱未消丹樓翠觀擁岩堯秋光清到湖邊塔
日色澹於江上潮金地山名凌虛超絕頂錦衣行樂話前
朝憑欄忽向山靈笑難得蛾眉亦山名慰寂寥

西湖秋泛歌

湧金門外秋光好一片晴漪雲四埽螺髻鬱環鏡面粧
湖邊那覺青山老載酒西泠泛畫船六橋無恙柳如煙

詩僧又向瀛洲補

几谷僧爲靈芝寺蓮衣畫瀛洲補柳圖

會見鶯聲浪裏

圓停橈先訪表忠觀摩挲碑碣臨風歎廢塢空餘劫火
燒韜弓無復江湖杆可憐零落藕花居小有天園徑已
墟夕照寺荒奔野馬大悲壇冷歇經魚湖心亭子何時

築壤檻危廊伴松竹瑪瑙紅歆閒地庵琉璃碧碎孤山
麓寂寂巢居鶴不回四賢祠外重徘徊賈堂蟋蟀無人
問葛嶺芙蓉向水開回思南渡偏安日西溪曾駐官家
蹕怕遇韓王欸段遊權呼帝子龍舟出銷金鍋裏擲金
錢宋嫂魚羹入御筵十錦船頭堆七寶春風歌舞自年
年舉朝半是韓莊犬明庭鷓鴣驚輕軒冕福地花園閱古
泉舊都草沒宜秋輦還我江山噩夢驚一隅何以靖蒼
生棲霞嶺畔忠魂臥千載行人恨未平繁華過眼今安
在黛色莎痕終不改三篙烟水共潞河五路雲峯長崔
嵬勝蹟流連白與蘇萼絲香熟醉提壺秋光已被勾留

住豈獨春來似畫圖

靈芝寺遇蓮衣上人爲賦一詩

小時一念萌湖山結因果逃儒而入禪自謂計非左宦
海盡波濤名場半羈鎖保此清淨身豈致輪迴墮蓮池
自在香洗研晴窗坐不宣梵唄音不乞佛龕火西湖作
衣鉢是僧還是我隨意拈吟髭煙雲化堆垛如斯真免
俗出家無不可

重九日余叔平通守招遊雲林寺登韜光絕頂度
三台山謁于忠肅公祠墓入烟霞洞小憩復至
九溪十八澗登理安寺松顛閣歸過大慈山觀

虎跑泉得詩九首

我來餘杭郡喜遇賢主人翩翩上佐才卓犖超等倫尊

公二千石

謂菊農太守

雅重葭莩親謂我尙可交風雅希補

唇遂令趨庭暇朝夕過從頻昨泛金牛湖飽餐紫綫蕪
名山拓眼界勇往休因循昧爽約登高筍輿出城闔雨
意釀重陽油雲白無垠秋深樹猶密眾壑蒼翠絨間以
楓葉丹掩映何清新直向北山去翛然迥離塵

盤旋九里松岩堯一靈鷲奇峯排雲立寒泉鳴玉漱武
林此隩區飛來真獨秀儼得畫家訣天然皺瘦透洞壁
妙莊嚴嵌空豁巖竇陰森竦毛髮黧黯昏旦晝大哉覺

皇殿龍宮煥如舊我無佞佛心經幢漫深扣且尋西澗
蹤拾級惟恐後

韜光徑殊僻修竹障層巒左右千簷簷高低萬琅玕
匝鳳尾蔭屈曲羊腸盤雲影暗穿罅四面風珊珊石磴
三百餘履險忘其難腰脚陡爲健可作上達觀迢遞至
廣巖紺宇懸林端異絕金蓮花水底翠葉攢靈根法雨
滋四時香不乾茗話小勾留清遊追古歡

豪興不可遏爰登觀海樓巢枸倏開朗爽氣凌高秋錢
江與聖湖下瞰如池漚渤澥隱莫辨顧盼窮雙眸欲上
北高峯山僧偏掉頭九百二十丈雲海天際淨此行甫

及半餘地君且留方回屢卻步添興江南愁舉手告山
靈蠟展他年遊

行行麥嶺邊南山更危峭虎踞而熊蹲奇闢抉詩竅迤
邐八盤頂旌忠有祠廟排難竟遭誣丹心千古照披榛
拜墓門臨風一憑弔西湖雨少保後先死含笑功業鎮
三臺英靈齊九曜巖阿正氣存哀猿不敢嘯

夙有烟霞癖今到烟霞嶺嵯峨石屋南梵洞顯奇境低
垂五色雲聖跡流傳永汗雨忽已收砭人肌骨冷洗眼
掬泉溜俯身隨燭影神工奧窔開智力無所逞衲子喜
客至酌以上方井導觀象鼻石依稀渡河猛佛手惜未

攀下山意惺惺

岡巒互包絡斯境獨幽深
澗支派流羅列松柏林蒼
然無童山柯幹紛蕭森
不雨風颼颼無雲天陰陰
當年伏虎師一喝山魃瘖
飛薨插樹杪絕頂俄登臨
七峯作屏障那有紅塵侵
趺坐靜勿喧俗慮消胸襟
香光昔題額遺墨杳難尋
煮朮與蒸梨聊仿眉公吟

纔過滿覺隴又睹大慈山
是爲地宅奇萬木擁烟鬟
圓如箬笠張羞作眉黛彎
中央獨隆起兩翼龜蛇環
宏開定慧基童子移潺湲
茶癖學王濛匏尊心自閒
軒窗翠欲滴恰稱髯蘇顏
忽聽晚鐘敲興盡便須還

茲遊何能忘歷歷在心目蘇堤第一橋西行看不足曉
度雙峯間夕返南屏麓好景絡繹至撐滿詩人腹惜哉
游不徧駒光苦馳逐月輪及風篁五雲共三竺足跡所
未到留取後遊續歸飲洗研池在杭州府署相傳爲東坡遺跡澆破愁
十斛拉雜不成詩敢向東坡讀

留別余叔平通守

餘杭太守共稱賢清白家風令子傳謾道雄才居半刺
伫看驥足展先鞭湖山烟樹秋心繫嶺海波濤別夢牽
無計勾留竟拋去嚴江孤客上灘船

大佛寺

彌陀在天石在地頑性焉知表靈異一頭已敵丈二身
莊嚴永鎮錢湖濱當年祖龍纜不到豁然佛界憑空造
誰歟鑿者喻彌陀色聲不動云如何嗚呼世人插脚塵
中苦曷若此身藏淨土

湖上紀遊口占

綠楊秋老白沙隄界破湖光塔影低羊角馬塍閒指點
鶻聲搖過斷橋西

相嚴古院地清幽冠勝軒中玉局遊笑我芒鞋殊草草
不曾待月十三樓

半春小隱歸何處瑪瑙危墻一角紅寂寂寶雲山下路

行人怕聽鳳林鐘

蘇小墳邊翠鎖烟錢王祠外樹參天英雄兒女皆千古
休問空山白足禪

魚沼秋蓉錦片攢石橋無復小紅欄何年更起湖心社

煙樹蒼茫弔阮灘

儀徵相國所築近亦傾圮

處士風流白玉簪香魂修到傍雲嵐

馮小青墓在孤山北

梅花消

息遲遲報留得春從庾嶺探

聖湖又泛畫船過廿五年來一剎那問訊烟霞尙無恙
青山似比故人多

江干卽事

二知車言金
連番風雨替留人剪燭深宵意頗親儂是伯勞郎是燕
躊躇無計再逢春

妾心曲似江頭水郎意濃於山上雲雲散水流真道破
漫云去住兩難分

江上早春曲

江上尋春春宛在照眼花枝香破蕾飄搖無主任東風
思量青眼何人待生長漁家九姓船早同梅柳鬪芳妍
粧成鴉髻千絲膩學得鶯聲一串圓眼波暗遞春消息
紅潮暈頰嬌無力貪財阿母強扶頭買笑郎君權比翼
水邊判作野鴛鴦入溷飛花只自傷薄命未隨桃李嫁

春愁春恨兩茫茫春恨滿江無處訴春愁萬種向誰吐
算來春色等閒拋惱煞春心容易誤無計留春轉惜春
容華可是不如人分明荳蔻稍頭艷約畧雲英掌上身
春兮春兮須記取江水有情還送汝但願春深長綠陰
怕看春老霏紅雨如花鄭重少年時蜨戀蜂狂一味癡
從此富春山下去畫眉聲裏倍相思

富春江

霧氣江頭潏長山

龍名

不見山波疑春水綠樹訝夕陽殷

詩思濃於酒客心孤似鷗桐洲垂釣者高躅杳難攀

富陽郭外

日暝風輕未着裘
蓬窗特地挂簾鉤
冷楓烏柏明如火
紅到春江第一樓

泛舟疑在畫圖間
淺水鱗鱗皺幾灣
無數峯巒青不斷
望中知有赤亭山

晚泊桐廬望桐君山

波紋如染山如削
西去桐江烟漠漠
臨風忽憶柳屯田
一片清聲林外落
此間曾駐仙人蹤
石巖高聳何蔥蘢
幽居端不讓周戴
漫說嵌雲十八峯
夕陽明滅繫孤榜
翹首江干發遐想
當年採藥人未歸
空有青鸞自來往

順風過七里瀧作歌

桐江之水清可憐桐江之山高插天山迴水繞若圖畫
翠屏展出琉璃界水驅山走徐蜒蜿山挾水流怒砰湃
山外皆水水外山恍入武夷九曲間無風仍是七十里
前灘後灘空引還我來上水仗人力此牽彼挽幾時息
猶幸鴻毛占遇順鵝港西頭布帆直奔馳已過鷓鴣原
篙工袖手靜勿喧四圍貪看髻鬟擁中央漫覺波濤掀
嚴陵臺下須臾至百丈繭綸難到地客星萬古有光輝
竟使青山冬不睡吾家處士堪頡頏草廬舊址今已荒
西巖似向東巖笑身後榮名那足償躊躇風利不得泊
繡嶺錦峯懸岩罅一重一掩摩碧落徑把江流作澗壑

畫眉無聲松竹幽美人不見使我愁浮生渺渺沙上鷗
乘風破浪達胥口雲春飛練長鯨吼又從山外挂崩湍
夕陽照冷鳥石灘胸中饒有煙霞癖何日扁舟理釣竿

上灘詩

桐溪至婺州傳聞四百灘灘高水急流無風自翻瀾雲
碓一輪春星鎬萬點攢清露石齒齒白瀉雲霞霽晴空
喧雨聲昏夜跳月九矧茲水涸辰尤覺上灘難折搶愁
膠舟振舵驚觸磬全資牽挽力勢迫偏蹒跚須知水力
強遂覺人力單譬諸登峭阪千鈞控雕鞍履險匪異術
從容乃得安萬頃凌蒼茫夢想江湖寬

巖州

猶覺他鄉是故鄉新安共說晉封疆
浮圖對峙東西嶺飛瀑爭趨大小洋
雨峽青山堅地脈四圍紅樹艷灘光
齊雲白嶽何時到不聽猩啼也斷腸

見江上紅葉漫成三十二韻

麗絕江鄉景天然畫本呈山容增淡泊
詩境助鮮明錦片層崖綴珊枝兩岸
撐楓人饒冷艷鴉舅敵春榮紅比桃
天綻丹逾荔子生烘開波活活絢到
石庚庚入夜霜華釀凌晨火齊擎青
蒼間松竹疏密擁柴荆嶺作栖霞色
亭無捲雪聲只應歌絳樹何必戀繁
英猶憶長安道

頻驚節候更漫空黃葉下堆徑濕雲平蕭瑟歸鄉國荒
涼問水程寒隨邊塞雁夢繞上林鶯忽忽韶光至萋萋
草木萌暄妍逢上巳迢遞賦南征山喜桐陽綠人懷菊
所清雞籠涼雨瀉獅窟翠烟橫白下重攀柳吳都也熟
櫻暑銷雙槳快風送片帆輕已動蒹葭詠還聯棠棣情
樨香堪佐茗尊碧正宜羹舟向西冷泛尊同北海傾劇
憐秋色好如我醉顏頰一樹看猶愛千株染未成那期
屆搖落仍復吐芳菁低映富春渚遙連姑蔑城直疑花
爛熳不覺歲崢嶸晚景天公幻穠華木客爭題須煩綠
筆挂恰配銅鉦徑欲停車坐生憎放櫂行羨他漁父樂

煮酒博朝醒

衢州雨夜口占

一雨有冬意羊裘不耐寒青霞在何處拄杖幾人看

爛柯

山卽青霞洞天
俗人相戒勿登

竟滴愁心碎誰憐客夢單浪遊吾自悔

欹枕夜漫漫

無題

青鳥東來夢乍醒淒涼耳畔似零鈴江干一載鴛鴦侶
意外三生孔雀屏那信飛蛺蝶變化卻愁寒蛭尙伶俜
怱怱獨跨花驄去腸斷風前不忍聽

孟浪今朝誤著棋機心早伏下鈎時可能渡口迎桃葉

多恐章臺怨柳枝
鸞鳳有膠憎爾續麒麟
是檀怕人知情
天恨事真難補
贏得長空淚雨垂

冒雨宿草坪

登岸倉皇去迴旋
石徑遙四山雲脚重
萬木雨聲驕險隘
懷前代淋浪聽一宵
屏風關尙在綏靖不聞刁

書事

莽莽蒼梧野妖氛遽蔓延
掃除原未盡觀望孰爭先
蟻附奸民眾鴟張外寇連
朝廷用韓范早晚息烽煙

過金雞至玉山縣

冷雨瀟瀟爲洗塵
半途敢作倦遊人
層巒疊嶂疑無路

翠竹青松且當春排悶不妨開笑口耽吟轉覺是閒身
溪山冰玉今方見擬作新詩繼叔倫

登舟

迢遞西江路新乘下水船樹濃沙岸擁灘溜石崖穿鄉
信思鴻雁歸期問杜鵑紙窗閒滌筆心地亦安便

舟中不寐作

人生塵世間睡鄉居其半醒時尙夢夢膏肓有誰喚三
萬六千句猶如一昏旦朝生而暮死豈爲蜉蝣歎了了
偏不了交戰神明渙蒙也病此久精力耗無算少小名
心熾輾轉攤書看擁衾苦構思窗外晨雞亂叨竊蓮炬

榮幸免桐材爨引我入睡鄉
勦呼起常晏酖毒昏不知
哀樂遽然判還鄉復浪遊
思之實顏汗炎夏滯白門
乘醉下帷幔但覺黑甜樂
底須角枕粲仲秋至吳郡
斯境遂更換風雨話聯床
中夜各悽惋武林一月居
燒燭輒凭案危樓坐塗鴉
忍痛幾折腕忽忽屆嚴冬
飄泊仍無岸西江路迢迢
南海尤汗漫傳聞有盜賊
若與我爲難展卷強排遣
須臾已至肝寒宵更漏永
孤眠腸欲斷半生經歷事
摻索向楊畔冷暖互相關
胸中雜冰炭轉瞬日方寸
地紛擾難解散愁魔屏不
去夢神早驚竄轉瞬日
高春披衣倍衰憊托鉢愧
友生彈缺思里閨欲歸歸
未

得竭蹶自羈絆冷水背間澆醞醕頂上灌慕地索紙筆
何暇問櫛盪狂吟聊解嘲瑣屑無片段

游上清宮歌

玉京縹緲開天闔星冠羽帔紛趨蹌翩然乘風下大荒
驂駕虬螭跨鳳凰龍吟虎嘯魑魅藏百靈翊衛仙源鄉
臺山之麓沂溪旁絳宮朱闕何軒昂雷壇左右參旂張
雙仙五老朝金堂三十六峯青蒼蒼呼吸靈氣超混茫
洞天福地偕徜徉通明殿上奏綠章文成裔孫九世昌
神人夜授薔薇香辭官高隱臥北邙燒丹練汞寶籙倡
飛身直到陽平岡攝伏鬼帥誅魔王蓮花出火生奇芒

前賢紀載非荒唐仙家子姓永綿長山中奕葉倚蘭光
眞人襲封至靈區彈指俄滄桑繚垣甃石新棟桀九
今已六十代重丹詔垂煌煌闡教護國迓福祥蜚廉桂觀難頡頏眞
宰降敕修文郎鸞箋駢語誌上梁不數元祐賈善翔邇
來半成瓦礫場饑飢白日啼空廊綠陰匝地寒松樟歸
歸遺址存寥陽玉皇殿卽昔之寥陽殿世間興廢原靡常仙凡豈
可同較量太虛自有紫琳房碧落高聳無風霜日月爲
牖雲爲牆諸天秘宇亘上方羅列香案侍玉皇渾淪宙
合提元綱運斤空笑塵中忙

偕雪筠宿三華院

卽婁眞人府

福地賜金修神仙窟宅幽宗風振三派宸翰炳千秋

憲廟賜扁額一楹聯二懸挂正室昔日清吟樂賜額乃清吟恬淡四字居然雲鶴

儔百年已陳迹烟樹冷丹樓

欲問長生籙無從叩碧城偶來閒寂境恍聽步虛聲寒
夜澹塵慮空山忘世情興公原曠達相對話三更

張真人養泉

培源

招飲索觀

陽平鍊丹五雷

靈霄諸印免其書符

神物流傳信非偶千八百年貽子孫雲錦煉成金鐵液
星冠捧出雪霜痕不知丁甲空中守但覺風雷筆底吞
未遇赤松休辟穀且開丹竈醉芳樽

忽忽未得登龍虎山暨仙巖鬼谷諸勝境遙賦一

詩

洞天福地竟無緣歸路仍從篠嶺穿玉石村邊雲疊疊
琵琶峯下水濺濺卽今臺觀荒涼後那似神仙解脫年
回首林巒更惆悵未曾瞻拜象山前

厲雪筠衙齋忽忽已半月矣驚歲序之崢嶸感行
踪之飄泊挑燈話舊賁茗論心有觸於中不能
自已因輒排比成句得詩十首囁語狂言不值
大雅一噓也

薌溪水淺泊輕航多感烹鮮爲舉觴下榻我非徐孺子

垂簾君是顧長康十年不改書生習一見能消酒客狂

同意春明同筆硯浮雲過眼歎茫茫

來往君家伯仲間

東坡句

不才兩度媿齊年傷心宿草猶

成夢

沛農同年下世已五載矣近來常夢見之

彈指空山已悟禪富貴願留

身後地窮通難測定中天如何舊雨皆寥落北望金臺

倍黯然

予去秋出都至今僅一載耳乃聞葉棣如閣學馬湘帆侍御李研農同年葛軒雲前輩皆相繼

殂謝嗚呼諸君子與余均有編紉之歡月夕花晨過從甚密何圖一別頓成永訣乎青林黑塞夢寐難通羈旅

天涯愴然欲絕長

歌代哭神其鑒之

太息紛紛赴玉樓榮華飄瞥等浮漚故人黃土澆新淚

獨客青山擁亂愁形影淒涼弔邛距死生倏忽感蜉蝣

試看高隱田園客散髮逍遙到白頭

遣悶何須鬼陣攻

棋爲鬼陣

且拈葉子決雌雄乘除默運心

機內勝負都歸掌握中直以三才參變化遂令五木入牢籠從今應笑呼盧拙剪紙居然可送窮

世途坦蕩十分寬克治工夫在返觀免俗底須懸犢鼻累人且莫食猪肝澹忘名利安身法飽讀詩書換骨丹方寸空瑩無障翳閉關那用坐蒲團

正是夔龍接武時白駒朱鷺競陳詞豈無河朔英靈出要令江淮草木知泉不在山清足尙玉如有璞美難窺人間共侈麒麟楨珍重休貽畫餅譏

閑將物理細推尋早忘三更夜漏沉當局何嘗甘袖手
改絃亦自抱深心源流未辨通仍塞智力兼施縱卽擒
參透事機徐展布漫云宜古不宜今

案頭青史記分明莫謂常談厭易生賈董文章見經濟
老莊道德變刑名樹能容蠹生機伏水到無魚涸象成
泥飲偶將犀首學須知勝算在心兵

主人情重久停撓彭蠡煙波望轉遙地暖依然裘可典
愁多未必酒能澆關山渺渺鄉心動前路茫茫壯氣銷
明歲春風迴棹日看君鵬路迥扶搖

無端風雨替留人虛擲光陰又浹旬疑在空山忘甲子

欲拚長夜守庚申
轍轅南北勞相憶
舴艋東西寄此身
小隱巖邊徒夢想
泥鴻或有再來因

卽景

九鳥灘頭又放舟
金沙石鼓路悠悠
四圍不斷煙中樹
綠到鴈潭尙似秋

彭蠡

宮亭湖冷波濤死
斷港荒灘屈曲通
天意要窺詩客膽
風威斗覺大王雄
轟騰萬騎沙場上
飄泊孤舟水國中
四顧茫茫人跡絕
淒涼雲外叫哀鴻

泊章江

西風獵獵灌嬰城江渚維舟趁晚晴高閣雲煙都過眼
仙山鸞鶴不聞聲村低遠樹千叢暗水涵寒沙一片明
忽憶馬當青嶽鼻鄉關迢遞客愁生

東湖百花洲

紅橋畫檻水中央遺跡猶傳講武堂此日升庭盡蘭芷
洲上今作公廨春風如帶百花香

湖東直盼到湖西瀲灩澄潭一鏡低寂寞蘇公祠畔路
何年補種綠楊隄

吳新之

厚福吳縣人
上清巡檢

招廡建德觀卽事感賦雜詩

十二首

洗馬城邊客萍踪信夙因與君纔一面小住已兼旬賴
有杯中物陶然樂主賓殘年風雪裏同是異鄉人

大阮苔岑誼于今十五年

新之令叔與余乙未同譜

知交忘輩行隨

地足安便吳市秋攜榼山塘夜放船挑燈話陳迹漏盡
不思眠

莫怪拋書卷儒冠歎少陵神仙猶作尉戒律况如僧鋒
利堅初初光明達上乘物華樓在望爽氣快軒騰

放眼風塵界幽棲鹿苑尋伊蒲常入饌

屢在僧輝亭處蔬酌孤竹

自成音

僧輝亭曉音律

洒落閒中趣逍遙物外心明朝花下坐

共聽穎師琴

約僧霽月彈琴忽忽未果

閱盡鉛華後秋山未罷粧殘英戀朝露衰柳媚斜陽金
縷緘愁重霜紈引恨長尊前情脈脈怕憶少年場

兀兀胡爲者思歸未許歸幾曾探洞壑

西山有秦人洞未到獨自

夢庭幃皖水不可見暮雲何處依愁看磨盾鼻百粵羽

書飛

忽下三軍淚潮陽隕大星

林少穆先生赴粵西
育師卒於潮州途次

長驅靖

鋒鏑一死報朝廷身後餘謳頌人間失典型早朝詩

輟詠

先生和先君子詩有
相看兒輩早朝還句

雪涕向蒼冥

赤日當空照須臾掃積霾邪蒿摧異種勁草起枯荻山
皎冰都化堂虛鏡不埋乾坤清氣播嘯傲豁襟懷

目前皆至理了了不模糊欲鼓仍膠柱能吹或濫竽空
憐魚有餌誰念馬無芻頓發狂奴態悲歌擊唾壺
散步東湖畔詩情畫意融風來波動岩雲過月朦朧敵
壘開棋劫愁城仗酒攻一椽聊偃仰卽是信天翁

相逢真意外絮語說家園忽忽十年事蒼蒼兩鬢痕天
涯權子母何日返鄉村今夜眠方熟同遊有弟昆

晤族兄致

堂約其偕
往嶺南

一雪阻遊興羅墩未訪梅只今隨臘去有約待春回嶺
海豪情寄章江別思催遙知歲除日應過鬱孤臺

晤華又齋日新同年

君自嶺南歸我向嶺南去同爲銜恤人饑驅此行路

登滕王閣

雲鎖層霄撥不開憑欄弔古獨徘徊文章壽世難榮世
造物生才又忌才山雨橫空霞彩暗江風捲地雁聲哀
泉莊墨妙歸何處

滕王閣序舊爲吾鄉泉莊老人墨刻

太息人間幾劫灰

題峽江令蔡香祖同年

廷蘭

滄溟出險圖卽和見

贈詩元韻

南交向化重詞章飛鳳盤蛇

皆越南山嶺名

道阻長不是奔騰

驚落滌那能歌詠到炎荒天邊雲日浮三與袖裏乾坤

貯一囊

越南呼薏苡爲乾坤草

鷺島歸來雄彩筆披圖倍覺墨生

光

八十三更幾日臨
掀天波浪壯胸襟
卽今羣玉峯頭客
如聽富春城外吟
隴
奈居然革蠻俗
蘇和鳥名猶自識
唐音收將海上成
連曲化作悵悵單父琴

廬陵晚眺

駱駝嶺共鷓鴣峯
今日青原色不濃
安得天公施藻繪
一齊化作碧芙蓉

過十八灘四首

章貢合流處
萬山互環抱
中央漚成淵
晝夜遠瀨瀨
所險在硨磲
水底波臣造
大者動尋丈
狂瀾壓俱倒
小者

亦如磐堅固難刷埽衝波而激浪爭獐無一好譬諸陸
地上虎牙列當道矧茲水涸辰相對愈懊惱偏仄殊足
慮抵觸安能保朗吟髯蘇詩皇恐應須早飄搖一葉舟
那若江湖老

五雲

名洲

何處飛壁立盡丹赭一灘復一灘峽口怒崩瀉

輕舟拍水鳬轉類上坂馬鑿鑿畢呈露深僅沒膝踝奇
哉澤腹內磊落似癥瘕天地本洪鑪奚爲失陶冶清獻
昔疏濬洵乎有力者篙工到此間狂呼半啞啞日行數
十里愁緒滿腔惹

就中險最多無如大烏江次則天柱灘箭筈懸驚瀧威

沸陡洞旋崕岬暗衝撞銅盤與錫洲溜別大小雙五座
踞突兀九腳排崕嵒較此尙非險屈折橫烟艘我行二
灘時危坐啓蓬窗相距不容髮畏之猶矛銳利濟幸已
占呼童酌玉缸須臾白澗過榕陰細淙淙

人言下灘難不及上灘易上灘石易防下灘石難避總
之危險境得失由自致濟川雖有材虛舟乃無累夢夢
昏不知風濤起平地況以柔脆質剛暴尤所忌從容處
憂患鎮靜心爲帥深淺未分明浮沉了何異不觀灘上
舟迂迴能運智涉險終出險君子三致意

聞荔竹嶺之捷爲賦長句

太守

謂周潤山先生

不畏死奮勇先士卒七十老人猶健步大

呼直上氣蓬勃我兵寥寥二百餘益以鄉勇不滿千俯

看么麼若蟻聚紅巾遍野無人煙是時兵法貴神速居

高馭下賊勢蹙礮火光中血雨飛狐狸盡啼山鬼哭轉

弱爲強少勝多虔州太守眞伏波武將欣偕安與羅

羅王

斌安

九連山下親提戈凱旋聲震橫岡坡我書此役塞

衆口微倖成功曰否否若非訓練在平日恩遽焉能賊

授首蒼梧妖氛不可遏姑息養奸誰之咎嗚呼萬姓流

離思父母安得人人如太守

除夕戲作

去年除夕始還家今年除夕仍作客持杯不敢動鄉思
且屏愁魔召歡伯鬱孤臺上雲亂飛六街滑滑難行屐
主人謂周寶卿欸我靜冶軒几筵飮餽羅穀核縱談忽覺詩
膽壯泥飲那顧酒腸窄流連詩酒到更闌休問今夕是
何夕吾輩癡獸幾曾賣添歲依然等頑石門前曷不挂
靈槎紛紛窮鬼逃無跡醉眠甘讓島仙忙睡鄉有味應
須惜

春陰曲

春風習習春雲起春陰庭院涼如水玉人獨立掩金鋪
惆悵關河隔千里鎮日無心理翠鈿碧闌干外柳生煙

打窗蝴蝶黏雙翅挂壁琵琶罨幾絃秋千架冷鸚哥睡
悄撥爐灰書悶字翠黛低含不了愁冰綃薄凍相思淚
園林白晝等黃昏遮斷梅花未返魂妬爾絳桃舒笑靨
惱他紅豆長情根情根固結終難變笑靨稀疏渾不見
一陣廉纖烏亂啼驀開屈戌喚鶯燕猶憶兒家前度春
日光穿戶粉纔勻薔薇露漬鴛鴦枕荳蔻香蘇翡翠茵
幽蘭並蒂芳心吐金屋瓊樓春有主美滿欣逢好歲華
歡娛那管閒風雨自從門外唱驪歌暮暮朝朝別恨多
霜夜淒涼怨青女雪天蕭索感黃婆彈指光陰真誤我
傷春半晌腰肢嬾新樣休題芍藥粧柔情默護歲粧鎖

暝色長空羃四圍
天公着意惜芳菲
如何孤負乘潮約
偏是春歸人未歸

人日開舟

離情牽不住
一舸泛朝煙
水長春前雨
雲遮山外天
靈辰莫虛度
高詠且陶然
博得流行趣
能參自在禪

閒詠

無端風雨送春聲
高岸懸輪激水鳴
一帶疎松山有色
幾竿修竹鳥多情
耽吟客子常逃夜
解事天公每詐晴
莫謂無花人意懶
蓉江依舊十分青

舟中無事歌以遣興

橫浦迢遙三百里春初徐泛扁舟行羣峯合沓四圍抱
一彎屈曲中央橫水爲山東水力殺宕漾宛比清泉清
俯看見底淨無滓石卵細碎皆分明時時膠舟費人力
此間那有波浪生田家蓄水具機巧架輪築木如天成
順流鼓盪勢最易遂令晝夜喧嘈呿灘頭僅容一船過
入耳怒作洪濤聲初疑風雨颯然至又似金鐵鏘然鳴
蓬窗聊以破岑寂動我浩瀚江湖情穿林忽聽畫眉叫
圓轉大類金衣鶯釣臺之遊已隔歲淒淒別緒胸中縈
回頭岸上見春色菜花黃吐千萬莖

青龍墟夜泊

青天雲罅月流出山禽傍月時啁唧綠陰沉沉不見人
鳴鉦擊鼓聲四溢試燈期近兒童歡喧闐歌舞忘夜闌
我獨何爲對明月心如轆轤依井榦一灣淺水渾浮芥
飄泊未償清淨債明日南遊橫浦關九磴盤螺雄眼界

南安

水復山重地雄關兩戒分嶺開唐宰相城築漢將軍疏
鑿通行旅聲威靖塞氛春雷江上吼天柱

峯名邊層雲

過大庾嶺

插天屏障青氍毹雄關永鎮橫浦南芙蓉江上夜雨足
梅花國裏春雲酣天公放晴客子喜層霄湧現千峯嵐

旋螺宛轉拾級上，谿笏中關容征驂。
長松修竹被巖壑，四圍映帶渾如簪。
湘妃已去凍蛟臥，北枝前度香蘼蕪。
快登絕頂一憑眺，昂頭直欲捫蔚藍。
鑿山功偉始與伯叢祠高并，彌陀龕嶺南之遊。
今始遂閱歷危險，心實甘此間村氓盡食力。
兒童婦女紛荷擔，荀輿安坐惜腰腳。
孤負不借吾自慙，道旁士卒未解甲。
崎嶇石壁橫矛鏃，昨宵霹靂埽氛祲。
春農計日驅丁男，滇陽小醜那足慮。
九重妙畧真遐覃，蕩平王道達海表。
烹茗且共山僧談，俯看小嶺亦秀絕。
嫦娥翠黛晴煙涵，我來雁去嶺之南有來雁。
亭兩惆悵，守雌愧不能師聃。

張文獻公祠梅花歌

梅關鎖住天南春山頭萬古花精神祠堂羅列七八樹
瓊英絳萼相鮮新一株霏微落如雨暗香不染階前塵
一株芳訊曉寒勒倚檐高簇丹砂勻更有數株半開謝
玉妃欲去偏逡巡縱橫老幹豈凡豔枯樹猶似龍鱗皴
乾坤清氣盡包孕風度彷彿和羹人陽春得地化冰雪
癯仙寒瘦非其倫天留此花伴文獻孤山未許爭嶙峋
從前嶺上號香國邇來花少愈足珍去年十月尙在浙
探梅路遠愁無因古今花信有時異東皇雨露新調均
江南客至尙堪折有緣幸與花相親銅坑遜此疎落致

羅浮姑射休效顰鐵心可入廣平賦曲江遙作君之隣
何年補種數百本香風徧嶺鋪成茵花時絕不分南北
甘露亭邊鶴到頻

新路口大松

纔從叱馭樓邊過又向蟠虬徑裏行黛色橫空風不定
白雲捲起怒濤聲

南雄州上元夜排悶作

春來十日九日雨中忘是上元節昨宵賈勇捲白波
今夜無聊衾擁鐵濕雲壓住洪厓巔泥塗裏足不敢前
旅愁鄉思鬱難吐夢魂飛渡天南天南天冠蓋遊蹤滿

前代嘉賓重延欵折腰轉笑淵明嬾君不見凌江館

凌江舟中苦寒漫詠

人言嶺南暖春初卽衣袷我來春獨寒風雨苦相刼
暝色障江面雲氣走山脅穿罅冷飈飈打篷涼雪雪
踈烏匿光曜蟄龍振鱗甲飄蕩此扁舟局促等籠桷
重裘膚弗溫擁衾膽猶怯瑟縮強趺坐掩閉禁齟齬
迴看赤脚人自得安心法持篙與捩柁露體波浪狎
不爲雨勢困不爲風威惱以我暇逸身較彼艱苦業
胸中頓忘寒陽和生一霎

韶州

芙蓉山外雨連天向晚維舟過塔邊韶石雙峯入雲峭
相江二水抱城圓整冠尙起虞賓慕擊楫休吟瀧吏篇
今日曹溪仍有味不繙貝夾也談禪

口占

畫棟雕甍結構新碧巖江上共嶙峋問誰風度兼風采
城內有風度風采二樓宇宙寥寥見幾人

亭外春波帶雨涼望韶不見見臨湘昨宵醉倒江東客

陳覺民大令
招飲輒醉

猶約歸來再舉觴

舟中望山作

嶺南山何多日日傍舟走瀕涯二水間峯巒疊盤紐嵯

峨直到天綿亘不計畝如以筆乾皴只覺石怪醜江流
激波折暝色助蒼黝魑魅目睽閃虎豹足蟠瓜壤衲老
僧癯嚴裝武夫赳奇形與殊狀踞左更峙右就中彈子
磯百倍峻且陡森然屏障列斬絕劍鋌削倒影駭蛟螭
撐空掩星斗何處有梯徑此外皆培塿鳳田洵獨雄雞
籠瞠乎後飛彈至其巔俗說吾曰否磊塊鬱未化焉能
吞八九

登觀音巖

龍巖一片石豁然開佛界頂凸腹乃凹中廓外則隘峭
壁四圍削飛甍半面挂遙覘怯攀蘿利涉喜浮芥幽竇

跨磴級虛空破機械洞徹妙無生莊嚴永不壞鍾乳垂
寶珞清響答梵唄天成蓮座涌下鎮蛟穴怪法力啓秘
扃靈根堅律戒慈雲大呵護迷津出澎湃

滇陽峽

萬竹似葭莢繞岸紛戢香波羅坑乍過滇陽峽旋入橫
波鬪爭猛穿雲爭喋岷若者爲皋口軒昂怒騰螫若者
爲太尉倔強骨峭立禽鳥失枝棲猿猱悲路阻當春無
笑容罡風隔呼吸山靈寶精悍終古長屹豈昔聞採樵
者驀見飛仙集白石煮可爛瑤草隨意拾翬舉上九霄
紫府探靈笈低頭瞰塵海眾生若籠繫恨不從之遊丹

永仙方習冥想寂無蹤雨痕千仞溼

遊峽山寺

湏湏合流處二禺天地塢南荒毓靈秀上古神仙宅高
隱偕帝子文藻萃詞伯七十二峯內曾駐安期舄玉局
屢留題海外駕歸舶後先共輝映牛腰長數尺東武及
蘇齋摩挲感陳迹而我矜眼福艤舟勇穿屐松柏千萬
株紺宇中央闢入門頓開顏暄暖出地脈塗林子離離
芭苴綠可摘佛國曼陀羅朱白兩明燼言尋阮俞徑雲
臺聳石脊飛泉百道鳴無風亦瀟瀟嘗此一勺甘清風
滿胸膈福地真不虛凝碧又淙碧陰森木客道恟恍巨

靈壁蓬萊割左股，栖真煉魂魄。絕頂寺飛來，仰睇層崖
隔。袁姬事荒渺，洞口春光窄。祖龍搽不到，避難人五百。
上方奇境多，恨少凌風翮。雨中螺磴膩，林杪羊腸僻。衲
子阻我興，回首輒追惜。還過帶玉堂，曠覽神爲懌。金芝
對石樓，掩映嵐翠積。憑欄塵慮消，展卷煩襟釋。好景有
廿四，未獲細細繹。回舟太恩遽，山靈暗訶斥。歸來願襍
被，幽探竟朝夕。再作中宿遊，一了烟霞癖。

卽景

早春天氣麥抽芒，鳳尾迎風兩岸張。水遠山清看不盡，
一帆煙雨過梨塘。

無數嵐光擁髻鬟
嫣然不露碧孱顏
天公寫就河陽畫

三十六江樓外山

高樹經冬存鳴腳
修篁沿水迸貓頭
荔支龍目翠欲滴
喚起一聲黃栗留